

膠澳志

函
50
千
59
冊
函

膠澳志卷七

教育志

強國善羣在於教育教育者所以涵養民德啓迪民智而強健民族之發育也膠澳教育在未闢租界以前科舉未廢學校未興關於文化事業殊少概見泊乎德租日占沈淪二十餘年國人所受教育組織未備系統混淆束縛於外人殖民政策之下聽其支配而已接收以後始稍整理逐年擴充首爲規畫全埠學區規定教職員任用標準取締鄉間私塾核給小學補助經費循序施設比較舊觀漸有進步民國二十三年曾於暑期辦理男女教員講習會聯合運動會暨成績展覽會本年復辦理成績展覽會遊藝會各一次近正從事調查學齡兒童以期完成義務教育然論者謂青島氣候溫和地處中國沿海岸中心點水陸交通均極便利其社會習尙與京津滬各地大不相同舊式之腐敗習慣尙未沾染政治之潮流接觸亦較淡泊山東半島原爲我國文化發祥之地不惟地方教育亟宜改良中央政府亦應於本埠特設國立大學庶幾發

揚古德灌輸新知蓋所論不爲無見也茲就本埠教育行政及各級實施教育分述之

(一) 教育行政機關

清光緒二十四年卽西歷一千八百九十八年德人始置學務委員會由膠撫指定之委員校長及學務委員會選出之委員共同組織辦理一切教育行政民國四年日軍佔踞青島又於民政署總務部設學事係置學事員五人視學一人事務官二人民國十一年十二月本埠接收於膠澳督辦公署內置政務處處設學務科置科長一科員三視學員一辦事員二書記二十二年三月改處爲課改科爲股設股長一裁科員及辦事員各一餘仍舊十四年秋督辦公署政爲商埠局劃歸省轄裁學務股另設教育局設局長一科長二科員三視學員一辦事員二書記三惟是項教育行政機關在德日管理時代係包括各該國僑民教育在內接收以後則專辦本國行政事項外人教育迄未管轄及之

(二) 專門教育

青島特別高等學堂一名赫蘭大學亦稱德華大學在德國租借時代最稱完備清光緒三十四年德國政府曾將創立此校意旨向我國駐德公使孫寶琦提議迨宣統元年膠撫又將創立此校預算及贊助法案提出德國帝國議會通過定爲中德合辦之大學管理規則由我國學部宣布同年十月開校開辦費六十四萬馬克內由我國支出四萬馬克德國支出六十萬馬克自宣統元年起分三年支出經常費每年二十萬馬克我國四萬馬克由學部支出一萬馬克直隸山東兩省各支出一萬五千馬克預定十年爲期每年學費可收三萬馬克其餘十三萬馬克則由德國支給學科分爲預科高等兩級修業年限預科六年授普通學科高等小學畢業者得考選入預科預科畢業升入高等科高等科分爲法政科醫科理工科農林科四門法政科三年醫科四年實習一年理工科三年或四年農林科三年設監督一員由德國政府任命總稽查一員由我國學部選派盛時學生四百餘人先後卒業計有二百餘人今日國內專門醫工人才由此校出身者頗衆至日德宣戰是校遂卽停辦日佔青島將校址撥充鉄

道部辦公現仍爲膠濟鐵路管理局

商科大學係日人擬辦而未成者日人於交還青島時曾保留德之伊爾地斯兵營舊址（日人稱旭兵營即今文登路公立中學校）初擬籌辦商科大學招收中國學生經費由日華實業協會擔任籌備主任爲今田實氏校長已推定東京高師教授川村氏於該兵營組織事務所但籌備年餘迄無具體辦法停頓至今卒未成立

私立青島大學創自民國十三年由前商埠督辦高恩洪發起就第五師兵營舊址（德名畢士馬克兵營日人稱萬年兵營）改爲校舍組織校董會開辦費由校董會募集經常費由督辦公署及膠濟鐵路局補助於是年十月成立設商工兩科學生八十人校長由高恩洪兼任是冬高恩洪去職即由校董會公推宋傳典爲校長十五年秋添設鐵路管理科十六年又設附屬中學各班年來因校舍時爲軍隊占用故學生時增時減所出旬刊亦無定期經費寬裕時月支四千元近且減至三千元以下矣

（二）中等教育

德華中學爲加特力教會所創立始於清先緒二十四年夏初有學生三十人分小學中學二級光緒三十四年增設師範班並加課德文學生日衆校務顯有進步不幸德日交闕遂致停辦

禮賢中學始於清光緒二十七年由瑞士同善教會創設初爲牧師花之安所發起花死而尉禮賢繼其後故名禮賢書院分小學中學二級經常費年約三千餘元大部分由亞細亞新教會同善會捐助德日宣戰因而輟學翌年恢復開校授課而經濟日困學生亦不如前之踴躍八年皖紳周學熙捐助常年校款兼設甲種商業班至十二年周氏歲捐中止乃改今名我國接收青島後並經呈准立案上年添辦高級並由本埠補助經費

明德中學始於清宣統三年爲美國長老會所設立民國八年五月因宣傳排日曾被日軍司令部封鎖翌年始行恢復編制仿舊制教育以宗教爲重職教員五人學生四十餘人經常費年約三千餘元接收後之明年學生發生風潮因卽停辦

李村特科師範係日人於佔領青島後設立招收私塾師肄業二年注重日語其意在造成小學師資惟辦完一班卽已停止

私立青島中學由本埠富商劉子山捐資創辦計捐有萊陽路洋房一所連同附屬地產又中國銀行股票十萬元存入東萊銀行作爲常年基金開辦費一萬餘元每月經費一千五百元十二年冬成立初招學生二班計五十人至民國十三年添招新生擴爲四班乃劉子山因與校長意見齟齬遽於是冬停辦所捐校產仍由劉氏掌握之公立職業學校十二年九月間由前督辦公署籌設以伊爾地斯兵營舊址爲校舍是屋原爲日本保留設立商科大學嗣以商校舉辦無期當經公署委員交涉以日本第二小學校舍暫爲交換借充職業學校之用開辦費一萬零五百元常年費二萬三千餘元名爲職業實則僅招商科學生四班其中尙有初級二班補習一班計一百五十餘人職教員十六人甚鮮成績至十四年秋間以故停辦

私立膠澳中學民國十三年成立由魯紳陳雪南等創辦陳爲校長呈經立案其校址

初借若鶴兵營舊址嗣因海軍強索以駐陸戰隊乃分爲職業學校之一部借充校舍常年經費除由校長募有基金外由本埠每月補助六百元由省款每年補助千元學生四班計一百三十九人迄十五年秋經費不繼呈准改爲公立

公立中學校係就私立膠澳中學改設於十五年秋間成立初招學生二班現爲三班常年經費一萬元

私立師範講習所於十三年五月成立由地方紳民設立以張鳴鑾爲董事長王曉山充所長學生三十餘名經費一千餘元以南曲學田收入充其基金餘爲捐募十五年暑期辦理畢業旋即停辦

私立膠東中學係美國教會所辦學生八十餘人成立於十五年秋季常年經費約三千元尙未呈請立案

(四) 小學教育

德人在膠澳初設有市鄉小學二十六所名曰蒙養學堂卽青島台東鎮薛家島施溝

辛島南屯濠北頭瓦屋莊李村浮山後滄口（原在襄窰頭）趙哥莊法海寺九水埠落灰牛石侯家莊朱家窪陰島上流宋哥莊登窰姜哥莊于哥莊下河香裏等二十六校多就原有私塾改設教授修身讀經國文算學歷史地理格致德語五年畢業組織與我國學制不合至德日戰時停辦

民國四年日人將德時之蒙養學堂漸次恢復增加小學十一所統名曰公學堂所增者即台西鎮雙山下莊張村現化菴仙家寨黃埠湛山大麥島辛家莊浮山所等十一校合諸德人所辦各校共爲三十七校職教人員多爲李村特科師範學生公學堂五年畢業教授科目爲修身國文地理歷史算術理科體操圖畫手工農業商業（女生加課縫紉）日語大致與我國舊制相類並於公學堂內附設實業學堂三年畢業其教授科目爲修身實業（農工商）國文數學實習及日語等項

我國接收後之各級小學即以原有之三十七公學堂改稱公立小學有高級生者爲兩級無高級者爲初級按照部章改正課程除少數學校有女生外餘則均係男生計

兩級小學七所初級三十所其初各級學生合計約三千人現經逐年擴充學校已增至五十二所(見後表內)內兩級者十六所男女學生合共八千餘人
林內義務小學爲前農林事務所附設現已停辦
膠濟鐵路小學兩所一在四方一在青島青島小學現已增設中學仍歸路局管理
此外尚有私立育英小學信義小學挪莊小學中國青年會所辦之模範小學三江會館附設之三江小學天主教會所辦之明德小學基督教所辦之尙德小學均經先後呈准立案除尙德外並均得有本埠之補助費

(五) 女子教育

女子職業學校附設於中國青年會內十二年秋間開辦有學生四十餘人學習縫紉刺繡等科十四年春舉行畢業以經費不濟未再續辦
青中女學十三年秋間私立青島中學既遷入萬年兵營後即將原址改設女子中學名曰青中女校僅有學生二十餘人職教經費均由青中兼辦嗣因青中停頓此校亦

隨之停辦

淑範女學爲瑞士同善教會所創立於光緒三十一年初附設於禮賢書院其後學生日衆宣統二年始自築校舍頗爲周備授課分高初兩級高級六年畢業國文及普通學科之外以德文爲重初級三年畢業授國語算術地理體操唱歌德日交關之後遂致停辦

私立文德女子中學由美國長老會創立初設膠州十三年九月始遷本埠有女生四十餘人內附小學兩級女生二十三人近年逐漸擴充學生日增本年並經籌辦高級本埠補助經費逐年有增

公立女子兩級小學從前本埠小學女生多與男生同校肄業十三年春由督辦高恩洪籌設公立女子兩級小學校於江蘇路設學生四級是年暑期後復添設幼稚生一班十四年十月並於該校內附設女中一班十五年暑期後又增一班

公立女子中學校其初女生兩班原附設於公立女子兩級小學內嗣因班次既增校

舍不能容納當於十六年八月間將女中班次移出另設公立女子中學校暫租觀海二路民房爲校舍本年復添招新生一班所租校舍又不能容因撥用湖南路官產爲校舍於七月間遷入現有學生三班常年經費一萬元
聖功女學爲天主教會所辦專收中國學生內有學生四級現已得有補助費

(六)平民教育

本埠德日時代向無平民學校十三年春中國青年會創辦平民教育促進會籌設平民讀書處十餘所八月間復由督辦公署組設平民教育委員會設平民學校七所於市內並於鄉區分設三十餘所學生約三千餘人以四個月畢業并由永裕鹽業公司捐助二千元專充平民教育經費第一期辦理畢業所有義務教員均經分別給予獎章迨二期辦理將竣適以時局不甯因而停頓現有基督教青年會及平教協進會並萬國體育會之平教部分期辦理讀書處多所公家正在設法推辦以期普及

(七)通俗教育

接收後本埠設有私立通俗教育講演所曾經呈准立案十四年春以捐款不繼經費無着停辦至公立通俗教育講演所由督辦公署於十三年暑期籌設分定期臨時巡迴講演常年經費三千三百元同時並籌設公立通俗圖書館一所購置書籍約千餘元常年經費二千二百餘元館址在莒縣路十四年秋講演所與圖書館歸併常年經費裁減爲二千零二十元

(八) 教育會

本埠教育會成立於民國十一年在未接收前已呈請山東教育廳轉部立案正會長孫廣欽副會長胡毓嵩十四年春改選劉銓法爲正會長胡毓嵩聯任爲副會長會員百餘人會址在上海路

(九) 外國人之教育

青島市公立德人學校初於光緒二十五年由德人之學務委員會議定設立招收遠東各處德僑子弟入校一時學生人數達三百餘人其教育方法一準德制修業年限

小學三年中學六年卒業後給予一年志願兵資格此校於民國三年德日開戰後停閉校址在廣西路建築頗佳日人佔領青島將公立德人學校校址改爲日本第二小學我國接收以後該校本應交還嗣因與商科大學互借關係（見本卷私立職業學校條內）迄未實行

日人佔領青島對其本國僑民所辦教育積極籌設民國四年卽創設青島第一尋常高等小學校一所李村尋常小學校一所嗣又設高等女學校青島中學校青島第二尋常小學校各一所更於佔領地樞要地方設小學校分教場旋廢李村尋常小學及四方分教場而於四方滄口各增尋常高等小學校一所又設外國語學協會一所幼稚園二所中校學生四百餘名高等女校學生三百餘名小學校學生合計一千六百餘名初時經費共計二十萬元現達三十餘萬元至青島學院係日人私立內分商業實業二部兼收中國學生經費以學費及捐款爲基金大半由基督教及青年會補助民國五年成立今年復由日本文部省認可予以補助其青島醫學校則成立於十三

年秋間專習醫科附於青島病院招收中國學生

其餘柏林教會所設之愛道院成立於光緒二十四年分男學女學二部學生四十餘人天主教所設之女學校成立於光緒二十八年教學方法一準英國學制有英語英文學數學地理歷史簿記家政繪畫音樂彫刻速記法文德文以及編物刺繡學生八十餘人併附設蒙養院一所又美國學校於我國接收時設於萊陽路招收各國僑商子弟入學學膳宿費頗重每年約需八百元現已停辦

上述各項關於公立學校及私立已立案之學校所有成立年月職教人數學生人數常年經費額數及私立補助臨時支出各費其間有案可稽者特爲分別表而出之以覘本埠教育進行之狀況其日人所辦各校雖不受我國管轄第就其可查攷者另爲一表以資參證亦未始非借鏡之道也

膠澳商埠小學區畫表

區

別校

名所

屬

村

莊

第一青島區

公立立高中學校

青島市

公立女子中學校

青島市

公立青島兩級小學校

青島市

公立女子兩級小學校

青島市

公立台西鎮兩級小學校

青島市

公立台東鎮兩級小學校

東鎮仲家窪西吳家莊亢家窪大水清溝小村莊上下四方孤山湖島子

第一青島區

第二李村區

公立李村兩級小學校

李村河南河東曲哥莊閻家山鹽灘南山楊哥莊南莊西大村莊東大村莊

公立雙山初級小學校

唐家溝錯埠頭東吳家莊韓家莊保兒夾連溝河馬石河西河涯小清水溝黃家塋

公立滄口初級小學校

滄口大甕窰頭小甕窰頭西流莊文昌閣石溝棗園小莊南嶺板橋房營子十梅菴

公立棗園初級小學校

滄口大甕窰頭小甕窰頭西流莊文昌閣石溝棗園小莊南嶺板橋房營子十梅菴

公立侯家莊初級小學校

東李村東黃埠莊上黃埠莊下黃埠莊臥狼匙佛兒涯麥坡鄭町蘇家町

公立下河初級小學校

于家下河莊子王家下河劉家下流上臧町下臧町長澗李家上流莊毛公地爐房

第一青島區